




4837

Broj: 0101-11136-1/21
Sarajevo, 17. 11. 2020. godine

Bosna i Hercegovina
Federacija Bosne i Hercegovine
KANTON SARAJEVO
Skupština Kantona Sarajevo
N/r: gosp. Elvedin Okerić
71 000 SARAJEVO



Predmet: Odgovor na zastupničko pitanje zastupnika Damira Marjanovića, *dostavlja se*

Veza vaš akt broj: 27-05-11-38989-1/21 od 03. 11. 2021. godine

Poštovani gospodine Okerić,

U vezi sa zastupničkim pitanjima uvaženog zastupnika Marjanovića:

- „Koliko je novca u protekloj godini prikupljeno za rad biblioteka organizacionih jedinica UNSA i u koje svrhe konkretno je utrošen taj novac? Molim dokumentiran odgovor!“
- „Koliko je novca u protekloj godini prikupljeno za rad ISSS sistema UNSA i u koje svrhe konkretno je utrošen taj novac? Molim dokumentiran odgovor!“

Po evidenciji Trezora Kantona Sarajevo, u budžet Kantona Sarajevo po osnovu uplata naknada za razvoj ISSS-a uplaćeno je 569.790,00KM, po osnovu uplata za korištenje biblioteke uplaćeno je 489.233,00KM.

U isto vrijeme, moramo Vas obavijestiti da iako su *Uredbom o izmjenama i dopunama Uredbe o utvrđivanju vlastitih prihoda, načina i rokova raspodjele* ("Službene novine Kantona Sarajevo od 07. juna 2018., broj 24/18), ovi prihodi trebali biti vlastiti namjenski prihodi Univerziteta u Sarajevu, Odlukom Vlade Kantona Sarajevo broj 02.05-34488-17/18, od 11.10.2018. godine utvrđena je *Uredba o izmjeni Uredbe o utvrđivanju vlastitih prihoda, načina i rokova raspodjele* ("Službene novine Kantona Sarajevo od 16. maja 2019., broj 20/19), kojom su obrisane alineje 3), 4) i 5), kao prihodi Univerziteta, odnosno uplate po osnovu *korištenje biblioteke i informatičke opreme, naknada za razvoj informacionog sistema*, te cjelokupan set drugih namjenskih uplata od 2018. godine ne spadaju u vlastite prihode Univerziteta u Sarajevu.


Ovdje posebno moramo istaći da su ovom „*Uredbom o izmjeni Uredbe o utvrđivanju vlastitih prihoda, načina i rokova raspodjele*“ obuhvaćene i uplate koje imaju namjenski karakter, a koje za posljedici imaju direktni trošak u njihovoj realizaciji (štampa diploma, promocija diplomanata, provođenja postupaka primjenih ispita, itd.) i koje Univerzitet/organizacione jedinice moraju finansirati iz drugih namjenskih sredstava.

Istovjetna je situacija i kada je „naknada za razvoj informacionog sistema“ u pitanju, odnosno svi troškovi održavanja i nabavke neophodne opreme, rada i razvoja novog ISSS sistema (potpuno nova platforma eUNSA već je u upotrebi na nizu OJ Univerziteta) u cjelosti se finansiraju iz drugih vlastitih prihoda Univerziteta od 2018. godine do danas.

S poštovanjem,

REKTOR

Prof. dr. Rifat Škrijelj



Prilog:

-Uredba o izmjenama i dopunama Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo od 07. juna 2018., broj 24/18)

-Uredba o izmjeni Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo od 16. maja 2019., broj 20/19)

Akt sačinio:

Nina Dragičević

rukovoditeljica Službe za nastavu

Akt kontrolisao:

prof. dr. Dženana Husremović

prorektorica za nastavu i studente

Sa sadržajem akta saglasan i usklađenost sa čl.12o

Zakona o visokom obrazovanju („Službene novine KS“, broj: 33/17, 35/20, 40/20 i 39/21) potvrdio:

Generalni sekretar *[initials]* n Filipović, dipl.iur.

Dostaviti:

- ☉ Naslovu
- Službi za nastavu
- a/a



SLUŽBENE NOVINE

KANTONA SARAJEVO

Godina XXIII – Broj 24

Četvrtak, 7. juna 2018. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 24. stav (1) Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15 i 102/15), člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo je, na 127. sjednici održanoj 24.05.2018. godine, donijela

UREDBU

O IZMJENI I DOPUNAMA UREDBE O UTVRĐIVANJU VLASTITIH PRIHODA, NAČINA I ROKOVA RASPODJELE

Član 1.

(Dopuna člana 5. stav (1) tačka a)

U Uredbi o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 51/16), u članu 5. stav (1) tačka a) dodaju se nove alineje 3) i 4) koje glase:

"3) prodaja dozvola za snimanje/fotografisanje u muzeju (u okviru spomen obilježja) i

4) prodaja dozvola za korištenje usluga audio vodiča."

Član 2.

(Izmjena člana 5. stav (1) tačka d)

U članu 5. stav (1) tačka d) mijenja se i glasi:

"d) oblast za obrazovanje, nauku i mlade, prihodi od:

- 1) participacija u troškovima studija i školarina na studijima (upisnina za redovne studente koji se prvi put upisuju na odgovarajuću godinu studija I i II ciklus i integrisanog studija, upisnina za redovne studente koji obnavljaju odgovarajuću godinu studija I i II ciklus i integrisanog studija, školarina-samofinansirajući studenti I i II ciklus i integrisanog studija, školarina III ciklus - doktorski studij i prihodi od stručnog, interdisciplinarnog, multidisciplinarnog studija koji se organizuju u saradnji sa visokoškolskim ustanovama);
- 2) realizacije kurseva, seminara, pripreme nastave, ljetnih škola, te svih oblika necikličnog obrazovanja;
- 3) postupaka priznavanja inostranih visokoškolskih kvalifikacija i kvalifikacija i ispita domaćih visokoškolskih ustanova (priznavanje ispita za prelaznike sa drugih visokoškolskih ustanova/organizacionih jedinica u Bosni i Hercegovini, priznavanja ispita za prelaznike sa inostranih visokoškolskih ustanova i odobravanje

nastavka studija po bolonjskom sistemu studija studentima koji su studij započeli po predbolonjskom sistemu studija-postupak ekvivalencije);

- 4) provođenja postupka prijemnih ispita-visoko obrazovanje;
- 5) ostali prihod po osnovu sudjelovanja studenata u troškovima studija (izdavanje nastavnog plana i programa, izdavanje uvjerenja/potvrda, izdavanje diploma, korištenje biblioteke i informatičke opreme, naknada za razvoj informacionog sistema, ispis sa fakulteta, komisijski ispit, korištenje ormarića, naknada za nepoložene ispite, prijava i odbrana završnog rada na II ciklusu, izdavanje duplikata indeksa, obrada podataka kod upisa na II ciklus, prihodi od izrade iskaznica i usluga štampanja);
- 6) naučne i umjetničke djelatnosti - visoko obrazovanje (prihodi od naučnih i umjetničkih projekata,
- 7) prihodi od tehnoloških programa i projekata, prihodi od međunarodnih programa i projekata, prihodi od ostalih akademskih aktivnosti);
- 8) stručne djelatnosti - visoko obrazovanje (prihodi od stručnih projekata, izrada stručnih ekspertiza, stručnih skupova, prihod od tehnoloških centara, prihodi koji se ostvare obavljanjem dijagnostičke djelatnosti i djelatnosti laboratorija, centara, instituta, poliklinika i klinika i prihodi od ostalih stručnih poslova);
- 9) ostalih djelatnosti - visoko obrazovanje (prihodi od prodaje proizvoda i usluga koji su rezultat naučne, umjetničke i stručne djelatnosti, prihodi od izdavačke djelatnosti, prihodi od hostinga, domene, telekomunikacija i WEB-a);
- 10) pružanja zdravstvenih stomatoloških usluga i usluga edukativnog zdravstva;
- 11) pripreme i instruktivne nastave u osnovnim i srednjim školama;
- 12) uplata za realizaciju posebnih programa (IB program, International cambridge School i sl.);
- 13) pružanja usluga učenicima za produženi boravak;
- 14) prodaje i isporuke ručka ili užine;
- 15) realizacije "škola u prirodi";
- 16) prodaje otpadnog materijala;
- 17) prodaje proizvoda i usluga koje izrađuju učenici u toku praktične nastave;

- 18) prihodi od catering-a;
- 19) izdavanja prepisa dokumenata;
- 20) participacija u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.);
- 21) uplate od usluga radne okupacije lica starijih od 16 godina;
- 22) realizacije specijaliziranih programa u vrtićima i realizacije pedagoško-metodičke prakse studenata (hospitovanje)."

Član 3.

(Dopuna člana 6.)

U članu 6. iza stava (3) dodaje se novi stav (4) koji glasi:
"(4) Izuzetno od stava (3) ovog člana vlastiti prihodi koje ostvari Univerzitet u Sarajevu i njegove organizacione jedinice, a neutroše se u fiskalnoj godini u kojoj su ostvareni mogu se prenijeti u naredne tri fiskalne godine, a neutrošeni dio vlastitih prihoda nakon isteka tri fiskalne godine postaje javni prihod Budžeta, izuzev vlastitih prihoda uplaćenih za sticanje naučnog stepena doktora nauka, postdiplomskog studija - stepen magistra, prihoda od naučno istraživačkog rada fakulteta, prihoda od projekata i prihoda od specijalizacija.

Član 4.

(Dopuna člana 7.)

U članu 7. iza stava (2) dodaje se novi stav (3) koji glasi:
5) Ministarstvo za obrazovanje, nauku i mlade Kantona Sarajevo je dužno na prijedlog Univerziteta u Sarajevu i uz prethodno pribavljeno mišljenje Ministarstva finansija u roku od 60 dana od objavljivanja ove uredbe uskladiti Pravilnik o ostvarivanju i raspolaganju vanbudžetskim prihodima Univerziteta u Sarajevu ("Službene novine Kantona Sarajevo", br. 7/16 i 37/17) sa ovom uredbom.

Član 5.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-22713-12/18

24. maja 2018. godine
Sarajevo

Premijer
Adem Zolj, s. r.

Na osnovu čl. 22. st. (2) i (3) i 27. stav (2) Zakona o državnoj službi u Kantonu Sarajevo, broj 31/16) i člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo je, na 127. sjednici održanoj 28.05.2018. godine, donijela

RJEŠENJE

O STAVLJANJU VAN SNAGE RJEŠENJA O IMENOVANJU DIREKTORA DIREKCIJE ZA PUTEVE - MINISTARSTVO SAOBRAĆAJA KANTONA SARAJEVO

I

Ovim Rješenjem stavlja se van snage Rješenje Vlade Kantona Sarajevo broj: 02-05-20278/18 od 26.04.2018. godine kojim je Vojniković Nedžmina imenovana za direktora Direkcije za puteve - Ministarstvo saobraćaja Kantona Sarajevo, zbog naknadno utvrđenih propusta u radu konkursne komisije.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-22713-17/18

28. maja 2018. godine
Sarajevo

Premijer
Adem Zolj, s. r.

Ministarstvo finansija Kantona Sarajevo

Na osnovu člana 17. stav (1) Zakona o izvršavanju Budžeta Kantona Sarajevo za 2018. godinu ("Službene novine Kantona

Sarajevo", broj 51/17) po zahtjevu Zavoda za informatiku i statistiku Kantona Sarajevo, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2018. GODINU ZA BUDŽETSKOG KORISNIKA ZAVOD ZA INFORMATIKU I STATISTIKU KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2018. godinu u iznosu 11.000,00 KM u razdjelu 28010001 Zavod za informatiku i statistiku Kantona Sarajevo i to:

Redni broj	Članak	Podčlanak	Opis	Planirano	Priloga	Ukupno
28	01	0001	ZAVOD ZA INFORMATIKU I STATISTIKU KANTONA SARAJEVO			
			Na državnoj godišnjici (budžetska osnovica)			
28	01	0001	0127	0127	0127	10.000,00
28	01	0001	0128	0128	0128	1.000,00
			Na stanovištu legalizacije sredstava			
28	01	0001	0127	0127	0127	6.000,00
28	01	0001	0128	0128	0128	5.000,00
			Legalizacija i drugi posebni ulazi			

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-16619/18

28. maja 2018. godine
Sarajevo

Ministar
Prof. dr. Jasmin Halebić, s. r.

Ministarstvo za obrazovanje, nauku i mlade Kantona Sarajevo

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), člana 72. stav (8) Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17), člana 87. stav (9) Zakona o srednjem obrazovanju ("Službene novine Kantona Sarajevo", br. 23/17), ministar za obrazovanje, nauku i mlade Kantona Sarajevo donosi

PRAVILNIK

O PRAĆENJU, VREDNOVANJU I OCJENJIVANJU UČENIKA OSNOVNIH I SREDNJIH ŠKOLA U KANTONU SARAJEVO

Član 1.

(Predmet Pravilnika)

- (1) Ovim pravilnikom se propisuje način vrednovanja i ocjenjivanja učenika osnovnih i srednjih škola, načini provjeravanja njihovog znanja, vještina, sposobnosti i primjene stečenih znanja i okvirni kalendar pisanih provjera znanja.
- (2) Ovim pravilnikom se definišu prava i dužnosti nastavnika, učenika i njihovih roditelja, odnosno staratelja (u daljem tekstu: roditelja), pedagoga, pedagoga-psihologa, pomoćnika direktora i direktora u postupcima praćenja i ocjenjivanja učenika tokom školske godine.
- (3) Izrazi koji se u ovom pravilniku koriste u jednom rodu, odnose se na ženski i muški rod.

Član 2.

(Definicije pojmova)

- (1) Praćenje je kontinuirano uočavanje i bilježenje zapažanja o nivou postignuća i ostvarivanju postavljenih ciljeva i zadataka koji su definisani nastavnim planom i programom.
- (2) Vrednovanje je kontinuirano i sistematično prikupljanje podataka u procesu učenja i postignuću nivoa kompetencija: znanjima, vještinama, sposobnostima, samostalnosti i odgovornosti prema radu, u skladu s unaprijed definisanim i prihvaćenim načinima, postupcima i elementima, a ostvaruje se praćenjem, provjeravanjem i ocjenjivanjem.
- (3) Ocjenjivanje je vrednovanje svih važnih činjenica o učeničkim postignućima tokom praćenja i provjeravanja iz



SLUŽBENE NOVINE

KANTONA SARAJEVO

Godina XXIV – Broj 20

Četvrtak, 16. maja 2019. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 24. stav (1) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 9/15 i 102/15) i člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 146. sjednici održanoj 11.10.2018. godine, donijela je

UREDBU

O IZMJENI UREDBE O UTVRĐIVANJU VLASTITIH PRIHODA, NAČINA I ROKOVA RASPODJELE

Član 1.

(Izmjena člana 5. stav (1) tačka d)

U Uredbi o utvrđivanju vlastitih prihoda, načina i rokova raspodjele ("Službene novine Kantona Sarajevo", br. 51/16 i 24/18), u članu 5. stav (1) tačka d) alineja 1) mijenja se i glasi:

"1) školarina III ciklus - doktorski studij i prihodi od stručnog, interdisciplinarnog, multidisciplinarnog studija koji se organizuju u saradnji sa visokoškolskim ustanovama;"

Alineje 3), 4) i 5) brišu se.

Dosadašnje alineje od 6) do 22) postaju alineje od 3) do 19).

Član 2.

(Stupanje na snagu)

Ova Uredba stupa na snagu danom donošenja, a objavit će se u "Službenim novinama Kantona Sarajevo".

Broj 02-05-34488-17/18

11. oktobra 2018. godine

Sarajevo

Premijer
Adem Zolj, s. r.

Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 11. Zakona o srednjem obrazovanju ("Službene novine Kantona Sarajevo", broj 23/17), člana 32. Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17), ministrica za obrazovanje, nauku i mlade Kantona Sarajevo donosi

PRAVILNIK

O NOSTRIFIKACIJI/EKVIVALENCIJI INOSTRANIH SVJEDODŽBI U OSNOVNOJ I SREDNJOJ ŠKOLI

Član 1.

(Predmet pravilnika)

Ovim pravilnikom uređuju se uvjeti, način, postupak i subjekti provođenja postupka nostrifikacije/ekvivalencije svjedodžbi i drugih javnih isprava izdatih od strane nadležnih obrazovnih institucija, stečenih izvan odgojno obrazovnog sistema Bosne i Hercegovine.

Član 2.

(Definisanje pojmova)

- (1) Nostrifikacijom obrazovnih isprava o završenom osnovnom i srednjem obrazovanju (u daljem tekstu: obrazovanju) u inostranstvu priznaje se ravnopravnost s odgovarajućom obrazovnom ispravom o završenom obrazovanju u Kantonu Sarajevo radi nastavka školovanja ili zaposlenja.
- (2) Ekvivalencijom svjedodžbi o započetom obrazovanju u inostranstvu priznaje se ravnopravnost s odgovarajućom svjedodžbom o završenim pojedinim razredima u Kantonu Sarajevo radi nastavka školovanja.

Član 3.

(Obrazovne isprave)

Obrazovna isprava o završenom osnovnom i srednjem obrazovanju, završenim pojedinim razredima osnovnog i srednjeg obrazovanja, postupkom nostrifikacije/ekvivalencije izjednačava se s odgovarajućom obrazovnom ispravom u Kantonu Sarajevo radi nastavka obrazovanja ili zaposlenja na području Kantona Sarajevo.

Član 4.

(Ostale isprave)

- (1) Potvrde o stečenom obrazovanju, odnosno završenom razredu ne smatraju se propisanom obrazovnom ispravom iz člana 1. ovog pravilnika i kao takve ne mogu biti predmet nostrifikacije/ekvivalencije.
- (2) Postupku nostrifikacije/ekvivalencije obrazovnih isprava ne podliježu isprave o položenom stručnom upravnom ispitu, pravosudnom ispitu, državnom ispitu, odnosno njima sličnim stručnim ispitima i sudska rješenja kojima je utvrđena školska prema.